

四庫全書

集部

欽定四庫全書

文苑英華卷七百二十三

宋 李昉等 編

餞送六

送渭南劉少府執經赴東都省覲序一首

奉送元城主簿兄赴任序一首

送開封李少府勉自江南還赴京序一首

送弟恂之京序一首 送李白之曹南序一首

送薛處士業遊廬山序一首

送張處士申還舊居序一首

送史處士歸滏陽別業序一首

送張徵君遊江南序一首

前夏千越亭奉餞韋卿使君公赴婺州序一首

仲秋奉餞蕭郎中使君赴潤州序一首

送張都督赴嘉州序一首

送王郎中赴蘄州序一首

送李員外入朝序一首

送峽州劉使君忠州李使君序一首

送賈中允之襄陽序一首

送太子僕馬公序一首

送趙評事赴東都序一首

送譚正字之上都序一首 送劉協律序一首

送紀奉禮之容州序一首

送李校書歸江西序一首

宴餞崔十二弟校書之容州序一首

送蘭舍人兼武州長史序一首

送蘭侍御史還序一首

送渭南劉少府執經赴東都省觀序

獨孤及

彼狗名者遭時多故乘地高勢罕不爭先着

集無着字

鞭而

集無而字

務飛速以誇當代獨吾子以文行裕盡思不出其

位奉籛金之所遺羞地芥而不拾其初筮仕

集作以筮

也典

校秘書秘書之職脩尉于渭南渭南無靴政歲二月以

紛悅騰燧歸覲于洛白華之戀也和氣用事春物滿眼
之子于征五綵其服想成臯花合穀洛水大是吾子拜
嘉慶問清高之日歟夫克家而家肥策名而名彰居官
而官辨孝之大者則貂蟬羔鴈在子外府姑務遠圖何
嗟少別到洛陽為我寄聲謝鳴臯故山杼離如之何詩
以贈遠

奉送元城主簿兄赴任序 前人

往歲兄之尉鉅鹿

二字集
作匡

德行成禮義舉批政杜紊綱

緝人曰蒞民如此其達

一志作

必大十四年春王正月再

命于元城元城地雄人悍土壤賦錯處宋衛中山燕齊

趙魏之都會三川輻湊四術轂擊兄方以德舉吏此大

都

集作邦

則千里之迹兆於是矣彼徒勞者其騫翥之濫

觴乎歲物已春秦山草綠

集作日綠

亦既撰

集作選

吉駕言徂

東豈不知棠棣之詩廢則和樂之詩

集作好

缺盍使伯氏

仲氏偕詠歌之以贈行邁

送開封李少府勉自江南還赴京序

前人

世或謂邦有道穀或謂全於德者不以狗名降志彼於致命猶數數然孰與李侯兩忘而脗合之張其天機與道出處道長則陳力筮仕績成而退藏於密戰勝江海之上然後乘歸流而返舊京乃知凌雲麗天則切玉利器於夫子為鄧林之一葉耳而精微純粹豈中士所能得其門哉然當今堯親九族契敷五教材之美者工將度之子雖忘機機未忘子庸詎知泥蟠沙卧不為雲霄

之鑿柄乎但蘭舟桂楫倏忽鳥逝朔風

集作方

秋草柰離

憂何緣情者莫近於詩二三子盍詠歌以為贈

送弟恂之京序

蒼龍居玄枵之歲與爾吹埴篲於長安靈臺之下當時
爾方青衿余適紈袴各志小學相期大來其後爾以經
術薦遂觀執事

集作光於

上國余牢落兩河為病所繫星分

雨散十有二載中間暫携手一笑者及今二三年

五字集作

及今而三昨日遊寓今成疇昔此會綿邈空在

集作存

夢想豈

不欲申橘柚之性詠和樂之什樂未終也別又繼之然
君子脩誠則物應克已則名彰爾能珪璋特達甲冑忠
信致逸足於千里吾有望焉方務遠圖何嗟少別到秦
地有問吾事者為報江湖間心

送李白之曹南序

曩子之入秦也上方覽子虛之賦喜相如同時由是朝
詣公車夕揮宸翰一旦襍被金馬蓬累而行出入燕宋
與白雲為伍然則適來時行也適去時止也彼碌碌者

徒見三河之遊倦百鎰之金盡乃議子於得失虧成之
間曾不知才全者無虧成志全者無得失進與退於道
德乎何有是日也出車桐門特之集作將駕于曹仙藥滿囊
道書盈篋異乎莊烏之辭越仲尼之去魯矣送子何所
平臺之隅短歌薄酒擊筑相和大丈夫各乘風波未始
有極哀樂且不足累上士之心况小別乎請皆賦詩以
見交態

送薛處士業遊廬山序

薛侯敦於詩固於學敏於行時然後言言而寡尤口不

言祿祿亦不及識其真者也

集作以

為永歎而薛侯居之

澹如君子哉若人也方以城市鄙於丘壑倦遊不如嘉

遯是月也拂纓上之塵西遊廬山山上有峯頂大林下

有東林西林化成

英華作城非

遺愛六寺慧遠道生二公昔

嘗眷戀於斯焉履痕屐齒遍滿崖谷神期眄纓恒若對

面之子之往獲心契矣苟藏器於身時行則行大之將

來隱顯一致彼安貞者其或有

集作為

利涉之樞機乎趙

補闕驩王侍御定張評事有略各以文為貺記行邁之
所以然余亦持片言用代踈麻瑤華之贈

送張處士申還舊居序

海水不揚波久矣故昆蟲草木得遂本性夔之巢由

集作

許各安其節天鍾靜於子而博之以文洞

集作大

壑無底

虛舟任觸世皆尚白獨守太玄顧流俗而不言退將脩
乎初服吾於是見全人之操矣

集作乃

知白雲上下蓋

無心自出黃鶴飛去當有時而來他年孤舟冀再會於

五湖之口

送史處士歸滄陽別業序

初史侯至是

集作自

帝丘僕方醜酒於蔣氏之館揖讓堂

下由東階升於是一酌而賓禮舉再酌而交態接三酌

而威儀幡幡深衷畢見醉裏

集作中

投分客中忘形吾固

知握手難常嘉會可惜其聚也言不浹日而意氣感其

散也興未及盡而離憂至則臨觴徙倚孰能不以之黯

然窮陰欲臘漳滏冰厚班馬連嘶歸雲無色非詩何以

離羣者之志

送張徵君遊江南序

初貞元二年進賢星明於是夫子與廣陵馬曾俱以玄
纁辟焉一命而俯受服赤墀之下子守

集作
井

節不奪歸

耕南陽議者稱馬之利用陋子之獨善及以為不然君
子之道舒之則雲蒸雨降以救大旱卷之則天倪道機
不盈一握姑務忠信以安聖時則歌國風於畎畝是亦
為政有民人焉有社稷焉何必薄遊然後稱德至是夏

六月以菰菜之興扁舟而東是行也與夫乘桴揚舲者
不同日矣津樓望極集作直望江漢在目少別非志士所悲
深衷豈短章能見桃源秋至僕當塞其仙實俟子於武
陵之南溪

首夏干越亭奉餞韋卿使君公赴婺州序

劉長卿

今年春王正月皇帝居紫宸正殿擇東南諸侯以我公
為少光祿自姑蘇行春於東陽愛人也頃公之在吳值

櫓槍搆戾南犯斗牛

集作牛斗

波動滄海塵飛金陵公夷險

一心忠勇增氣四面皆敵姑蘇獨靜卧甲霜天洗兵寒

水竟使浙西士庶不見烟塵公之力也朝廷聞而多之

以為姑蘇之人已理東陽之人未化是邦一作拜也宜哉

御月既明仁風載清出入數藩從容九棘在虞秦而皆

智豈滕薛而異名頌聲洋洋實此行矣干越便道金華

前山梅花過時槐色獨

集作猶

在白雲芳草盡入詩興公

實秉文律將

集作持

為詞雄逶迤退公知八詠之有繼作

矣

仲秋奉餞蕭郎中使君赴潤州序

前人

皇帝臨軒旰食憂濟在人擇良二千石與之共理民有疾苦得以安之吏有侵漁得以去之為風化之本繫黎元之命不其難哉故內外闕官自卿大夫以下多責成元輔唯剖竹分符寄決在禁中又以政貴有成化難數易至於理行超異公論當徵但增秩賜金或移典大郡

而已由是我蕭公建隼茲地化行五年漢庭群公方待

以右

集作美

職而竟有南徐之命蓋天子憂遠人而緩徵

拜也公才可以濟物德可以化人五行之用備四時之

氣足不立法而去弊不示禁而止奸寒者有衣饑者有

食百城萬井若百

集作衆

草之得陽春亦不知其所以然

而然也詔書既至公乃向闕北拜腰章遂行南徐之人

望公如歸此邦之人去公如失千騎照路出於東郊男

女滿野壺漿更奏泣涕以送

集作涕注如雨

邀遮以晉或攀我

車或維我舟臨風鳴笳慷慨高秋君子是

集無此字

謂有古

人之遺愛矣凡工文者得無詩乎

送張都督赴嘉州序

于邵

伊人之平康由我以專達否則政弛人何賴焉在昔漢
宣永懷至理思與二千石之良者共之貞深

一作竟探

其元

以化天下非道熙陟降理際天地

一作人

則不可膺是高

選尚書左僕射冀國公審才以底用論定而後請將欲
更蘇息復整齊且如張公無出其右緊受授則為潛怛

彼嘉陽之人所益多矣况學致廣大心自精微議道置
法若示諸掌一舉雲翼三十為郎分兵領部義然後取
公以之才大時論用少以今之多艱乎謂用大則用之
大用小則用之小在我而已抑無惜焉良月撰吉輕舟
既具長空青冥未有黃落緹騎百從載旌而前戈矛生
風左右如武且犀灘古地熊阜外虞通波萬里并容攸
攝其無以易者盍思無邪耶嘗察為心望此行矣大慕
邀餞三軍助較一作樂只君子如何可忘而後利涉信

宿人歸父母其顏渥丹下令如春受教賜知常謀始
疑
不浹年而國賦足軍實倍啓迪恢達為諸侯雄

送王郎中赴蘄州序

大君當宁之七載也日月會於降婁有詔尚書倉部郎
中王公恭寬敏惠出典于蘄蘄之上有草車外賦有牙
幢華領思與良二千石共理者朝廷久之亦既俞徃允
茲僉屬曾未浹辰抗手言邁惜此別易合宴公堂期其
出郊予以送遠且觀坐彼一方困于無告誰為禁暴聞

公知歸邦非人則不寧政無從則奚措今所往者人安
之哉公之下車曾是為念以公之素範不敢言利因公
之善價無乃近名惟名之崇惟德是累將善救物繫公
冀焉然後導達其和發萌以慮化行無二當借寇恂理
平第一更徵黃霸他日之會賓寮有光悠悠旆旆灑灑
春物想青林之漲水見黃石之平磯佳興未孤前期猶
邈賦詩追餞者翰林之故事吾何間然

送李員外入朝序

食租衣稅王者之常賦自至德改元之後兵連天下軍
用仰給四方諸侯各有戎事將發內布外而王命急宣
不咨皇華無以專達前十數輩皆課登而旋今尚書戶
部郎李公中朝駿選次董斯任以西蜀最大南粵多賈
委之斯來于以藏事是以數年于茲卒多前功冀公憂
國忘家一心同德方錫貢以納貺度於常筭故泉穀之
分必先此矣遠疑作于上京然及方鎮遂能入者億計
行者接武秦郊不闕持此更費冀公之勤其國本也如

此李公之達於時用也如彼使乎誰務將膺對殿挾兩
驂以戒途歌四牡而復命北驛開餞中軍宴私滿院香
風雜花潛送廣庭張樂妙音交作冀公以請召未許送
君先鞭我心如馳不敢留止行復題已赤管俯伏青蒲
答天子休命當使臣之始賞者爾

送峽州劉使君忠州李使君序

國有戎事今茲十年外姦內宄略無寧歲是以人之思
理不教而然者久矣夫非良二千石則無以光昭帝命

勤恤人隱自邑居蕩析牧守承弊中和頌聲斯道寢息
今皇帝之臨御也嘗垂意於理道夫能官人則能安人
為官而擇人俾受夫賴尚書駕部郎中劉公司門員外
郎李公分命之拜中朝駿選劉公之舉也以宣慈惠和
李公之得也以溫良恭儉咸推大略仁而愛人文學政
事家邦必達矧茲偏隅由我專制苟利於物其可易乎
然後理兵期於知禁求瘼在乎不擾澤流愷悌沆可小
康豈潁川之姦黨散落濟南之畏如大府而已壽星之

會涼秋八月言辭北闕將鶩南轅借疑作王馬之不畱

合六官以追餞乃卜勝撰吉咸集于吏部郎元公之居
室地遠朝市家藏水木納終峯於宇下道漆園於方外
風迴景泛匪寒匪燠入室而芝蘭襲人趨庭而珠玉交
輝琴言自清座右必誠夫然則行者可以慰遠道居者
可以依翰林二公於是撫席而言曰西楚風殊東巴路
迥高堂雲雨遇荆門而可見皇州冠蓋別瀟水以長懷
多謝故人醑我以酒寵我之作羣公何謂以不腆斯文

遂冠于篇首惣南宮之賦者凡四十有六章次之爵里亦當使君之佳傳云

送賈中允之襄陽序

孔宣父說儒者之行有自立焉有近人焉有交友焉研精六藝較明舊史冠天人之際探得失之源非自立歟仗義而居立信為寶難得易失不謀苟合非近人歟終始之要膠固也患難之失身命也益者損者吾其擇焉非交友歟夫然則道之將行周流四海而無匱者庸可

既乎頃年隱廬山之霧去秋舉湘江之帆聞有道而來
終有得而去所合必義所依必仁凡諸揖奉惜此言別
累卜勝踐屢邀醉心雖雲蒸霧毒猶勝炎風而踈桐衰
柳亦傍秋色時之所感事有攸會切於觀問而速是行
者則尚書季父領鎮南之軍伐淮西之叛方除天地之
害載戢干戈之威用重望繫人渴日為久與尚書備相
知之分憶昨執手于今三年負累遐荒莫由展禮南北
不援我勞如何願即寤寐之勤永奉通明之德

送太子僕馬公序

嘗讀舊史氏見汲長孺之為人與之並生其時則隨從長者不敢避風雨况今之有人而捨勤乎太子僕馬公骨鯁端莊則如此而布和展惠信而好古煥乎其有文章則汲生之所不及明矣方將搏空直上高視寥廓乘尚父黃鉞登范睢青雲顧夫蒼生不為負矣屬羣盜未息四郊猶虞春闈無事冬日可愛故自南自北從諸侯遊如竹箭之有筠雖霰雪之奚及未可量也予固不敏

奉以周旋幾合獻酬之禮且陪文酒之事青溪白雲引
我歸思槭槭寒水颼颼冰岸道勝獨往高歌以行夫至
人達觀物無不可出則耀金組入則狎葦蘿蓋與時消
息在我舒卷群公悵別則如之何

送趙評事赴東都序

大盜既滅東郊遂啓前馳龜蒙左夾遼碣過數千里草
戎反華彼阻戎之餘承復禹之慶駿奔走滌怨思兼諸
匪人因得請命連踵闕下歸甚忘亡

一作志
忘非

是以身田

一作
由非

身筐之貢不待錫而至者已紛組

一作
紛

於長府申

命職方郎中滎陽鄭公達于伊洛以惣其事夫劇不可
以專精故資於命介道且求於兼適必託乎至公大理
評事天水趙侯當交辟之下膺至公之選罷戎西府受
詔東周虛舟出不繫之外景鍾為待叩之用故士君子
隨之而不避風雨則文行忠信不其末一作
美歟鳳翔尹
兼御史大夫高公勤於容禮迫此王命曾是公器與時
共之追鋒告行惜別而已行軍司馬侍御史李公玉帳

居左金樽叙離群公當筵相顧不足白日陶暑青槐好
陰牙幢宴如亦既醉止左右歡甚詩人興全爭論逸價
特以餉趙故拜命之辱輒冠于首篇

送譚正字之上都序

皇上御寓之明年布和發號其在野無遺賢將以啓迪
理本蓋古先哲王之前大者分命十使周流天下弓旌
一舉潤陸其空戶部侍郎趙君故得譚子於瀟湘矣譚
子受薦不拜趙君當薦不避朝廷官之不疑君子悅是

三者之備公也者而

其一作其

至矣哉况恭懿明允文為在

禮發言有章臨事不

無一作

惑可以入備顧問出咨典謨

豈止祖述六藝指歸舊史栖遲龍樓之下寂寞鉛槧之間哉僕孤奉盛明黜佐藩徼不自意而邂逅相遇念一

老而得之周旋嘗與語

一作話

言為我消息日月之會時

惟季冬星迴于天歲且更始晻慘

一作駭

蕭索長年所悲

豈堪伊人告我以去方將背九疑之積阻泛蒼梧以連

海經界于分

疑

廣合于上都謁崇明馳象魏講舊於知

已從事於吾黨雲霄之外自此而階遷容者何叙之而
已

送劉協律序

予廣德年三掌注起居建中初擢修國史討論之際嘗
覽周朝作相奕世載德名列於紫微傳於青史者今協
律劉侯之先歟協律富有文采挺然秀拔懷長策以待
時感知已而為用似續以才而不階門戶求合以道而
不憚風塵士君子之行有足多也零桂雖秋涼風未至

江山縵邈言出東路帆席悠悠指途南海南海有國之
重鎮北方之東西中土之士庶艤連轂擊合會於其間
者日千百焉况中丞元公載緝斯人言愍其旅金節始
按休聲洽聞求賢重官方賀封往疑老夫病矣負累杜
門幾煩相問挹我以禮媿無風水之便且有登臨之別
行矣自愛吾無間然

送紀奉禮之容州序

紀氏之子曰文楚資於事母敬以愛兼則百行可知博

於好古而功業著則文采可知丈夫於代能有是而無
倦加體道以自牧出入中外身無擇行為不達者未之
有也頃屬世故家貧背胡越嶺執爨以養當車就安人
皆知之用是不乏所以長者繼轍來者升堂既榮於親
又悅其子甚大慶也夫時有通塞事有從宜親安道存
適則為可容州經畧之府南據交趾北達蒼梧李郎中
受委中朝聯典大郡凡有化理悉為世程紀子嚮風慕
義不遠千里釋板輿即輕舸晨飡夕膳不改舊物從一

樂土之一樂土誰其間焉郎中之愛子良鈞業擅家寶
官登王畿美秀而文芝蘭可襲吾子一見足以滌塵慮
慰容遊與諸子之得子亦何以異也行矣自愛時興元
大赦之仲春桂林遷客于邵之別序云

送李校書歸江西序

與子中外表也親之至也異姓莫先睽隔不面老而方
合可謂一作長歎息矣曷期遠會于零桂之間哉大火
之交南秋可畏其歟如蒸其華轉鮮昏霾而禽鳥欲絕

曦赫而薄鑠無措易練不足以禦流汗並燎不足以敵

炎氛

一作氣

予遷客也是甘其艱子薄遊也何在斯弊况

依藉門戶本儒家之文行總貫陰陽乃王官之武備聰

明精密道不苟合真吾人之益者也以世多故始家廬

陵悲鄉國之眇邈想丘園以蕪沒羈旅南土復何言哉

季子無金未下妻嫂淮陰寓漂終取王侯無以風雨為

晦無以名位自薄乘時體命其乃光乎子屬湘東之命

子有滄西之役非適之適我勞如何雲天茫茫行矣自

愛

宴餞崔十二弟校書之容州序

方伯盧公因牙門之清淨闢前館之爽塏乃命宿設具
牢加籩言邀故人以寵行也清河崔子曰真源嘗典校
石渠應諸侯之聘踐言勵行積學累藝一作仁而建中初

天下文明懼乎遺逸黜陟十道君舉先在有詔集於京
師將以更秩旣而容管經畧處置使隴西李公從而請
焉猗歟真源以受命底祿已利也以從人之求國務也

身不可先於國祿不可急於求翻然迴車假道于桂廬
公執疇昔之好惜今辰之別朝陽初升賓筵始合子夜
云艾主賦未晞鱣解交飛而取樂塤箎相協以奏雅廬
公意未之盡將命以篇顧謂遷客曰罷論幾何日輟使
復何日請子之叙我今夕于子離席而辭曰老者敗者
僚者一作也末也憂能傷人思無可者公之所命其得人
乎公曰得哉是敢操簡而進發言有素一以論我公之
講舊一以樂李公之得賢風煙不殊南北暫間顯允崔

子勗哉令聞云

送藺舍人兼武州長史序

舍人大以元昆尹京之明月始為西府連辟將展驥足
於廣西之地所以懲彼叛亂與人休息君子謂此舉也
得於治理失於屈賢譬諸汙池而集鷓鳳矣然則國家
多故亭障猶虞不為利遷可以道進所居則化我何在
焉况瓌姿偉望約之以禮兄友弟悌必因子心無終食
之間違仁矧三州之與四海云爾勉此于邁怡然告別

羣鷺尚轉四月猶花長江一望翠懈如畫佳興滿目曷
唯宦遊監察御史楊公特進兼鴻臚吳公慰相宴接情
言不盡諸公陪歡各以義洽邵野人也實忝中表趨風
自允渴日增勤俄然化離如失羽翼郊垆之送惜也何
言

送蘭侍御史還序

河龍

疑

之塞秋為邊防每歲徵師郡縣強家之子能控

弦帶甲勇為人敵而應召馬行軍司馬侍御史蘭公戒

茲戎昭來閱軍實威用震罰而不及人爰興六月之師
集我三邊之事况長源自清但挹朝海大厦已構尚勞
持斧位寵杜詩之選職由韓厥之寄叅彼玉帳鎮茲金
方亦既勤矣由是正風俗恤人隱刑章無煩一作無煩頌賦
惟允上行下效一作交心莫不盡大鴻臚吳公國之良二
千石也必先中權之令載勤東道之禮金蘭用譽風味
相合樂只君子會于公堂清絃發越洋洋乎盈耳一夕
三醉主人曰未也若然者群公陪歡其有間乎秋八月

鷓鴣始鳴衆芳皆歇我有歸思整轅而西晴川浙瀝日
上旌旆寒野莽蒼風入筋竿况肅殺以時虜騎方下元
戎之師且有後命行軍欲久留得乎請言詩以寵餞薦
周旋而不墜耳

欽定四庫全書

文苑英華卷七百二十四

宋 李昉等 編

餞送七

春宵餞盧司馬文歸澧州序一首

送前鳳翔楊司馬赴節度序一首

送王司議季友赴洪州序一首

送張中丞歸魏博序一首

送盧侍御赴恒州使幕序一首

送高侍御還鳳翔序一首

宴餞嚴判官使還上都序一首

送尹判官之江陵序一首

送鄭判官之廣州序一首

送崔判官赴容州序一首

送房判官巡南海序一首

送盧判官之梧州鄭判官之昭州序一首

送楊兵曹太祝兄弟序一首

初冬餞崔司直赴京選集序一首

送康兵曹入蜀序一首

送韋兵曹赴上都序一首

送孟司戶赴山南序一首

送穆司法赴劍州序二首

初夏陸萬年廳送奉化陸長官之任序一首

送金壇韋明府序一首

送河南王少府還任序一首

送陳番李少府歸上都序一首

送家令祁丞序一首

春宵餞盧司馬丈歸澧陽序 于 邵

大人承門戶之資擢衣冠之秀司武湖上休有令聞移
家澧陽吾取道勝蓋內緣世故從所擇焉况端公丈二
十年間王事靡盬開物致理洽聞朝廷辟公府而載我
鐵冠鎮方隅而寵授金鉞膺我重寄每懷離別豈不欲
徃職是愬戎六丈念切在原崎嶇過嶺亦既至止自冬

徂春二龍齊驤黼黻交映出恭入友論者榮之春二月
巾車戒僕言首歸路凡我同志猶惜別如此而况端公
是日之心乎觀察判官鄭公初筵叙離方繼以夜願留
候騎陪盡此歡舉白而衆賓已酣未晞而主人猶請邵
上負明聖來貳藩隅終沐廕庥忝招座右覩今夕之樂
想分歧之恨豈登山臨水而曰送乎

送前鳳翔楊司馬赴節度序

御史大夫李公擁旌旄領鳳翔尹西控數州之地將戡

定叛亂糾逃寮吏未及下車而思其人故司馬之才膺
此駿選幕中之畫居然有待公頃佐是藩天蹕在雍戎
馬鉅計注之有司大東小東無不仰給日承顧問休聲
四聞人到于今或受其賜交辟之下得無光乎况宏畧
泉深碩謀雲蓄材氣自逸禮容必循鴻鵠之舉煙霄可
仰在此行也公之友兄銜命在館繡衣持照金玉相鮮
不由其門孰見庶美驥足方騁鵠原惜別河橋一分雲
岫千里鳳凰潭上刁斗初傳寶鷄祠下旌旗不捲以言

疑行此送遠豈如贈言行前鶯花亂我心曲于旄美得賢也二三子取而賦之

送王司議季友赴洪州序

洪州之為連率也舊矣自幽薊外姦加之以師旅十年之間為巨防焉當閩越與區扼江關重阻既完且富行者如歸遠往之今大和會故朝廷重於鎮定咨爾宗枝勉移獨坐之權實專方面之寄七州奔走而承命一都風化以在我是以王司議得為副車况加彼數賢為之

為理何憂乎杼軸為弊何畏乎寇戎不奔歟然則政由
宇下風馳境上上下下之交理道彰矣良辰歲首群公叙
離蒼然霜林墜葉為聚別怨既如此歲窮又如此豈長
年之所獨悲抑同人之所增歎邵史官也歲一無此字職在
書法以中丞宣力王室以司議碩畫幕中予將書之行
矣自念

送張中丞歸魏博序

大河故瀆魏之輿境魏大名也今國家以連帥之重特

命右僕射田公以鎮撫焉授方面之寄為諸侯之倡職
貢不俟於命錫朝奏必資於佐幕是以張侯有獻歲之
會一之日天子勞勤于次二之日有司行賞以扶疑因
題柱之舊榮加專席之新寵風生漢闕價重周行光照
帝俞僉允時望且端揆有度材之鑒中司懷匪石之心
溫溫恭人表以光大多矣恩逾三接詔復兩河向銅臺
之地遙覽上京之春盡栢署追餞粉闈惜別才兼二美
識者榮之今襄海無虞人神助道導我王度樹之風聲

有來雍雍信足樂之詩可以羣興而羣公賦之

送盧侍御赴恒州使幕序

聖朝以上台清河王鴻勳茂績焯見羣后得一作兼綰

中樞將二十年南征北伐投艱排難則倍之矣是則國

有恒岳以公配之而有土天有上將以公委之而分閭

勤則至矣位亦極矣談者為美其誰間然故得高枕安

邊苞茅述職出獎忠義入延秀異不遠數千里而得盧

君君亦感激知己奔波從事雖立資於時實由昔用譽

不家而食盡室以行峨鐵冠而利往陪玉帳以參畫何
風雲會合而至是乎初此行也鍾陵有連帥之府落帆
江浦上謁告離府公以稟命則同獎王室脩好則不間
遐方爰遵上公是厚賓介我以雜珮必先餽牽便蕃初
筵禮無違者玄冰仲月白鴈南飛大舟橫江信宿千里
且務從軍之樂不賦苦寒之行蓋時人義之者多矣僕
江西旅人也趨風明庭同等見顧常忝座右之容不賤
屏外之員送君此行抑有由也然安得容容操疑作子

之祛乎

送高侍御還鳳翔序

高侍御文行忠信士林之秀者也御史大夫崔公大勳
既集視人如理高選入幕實佐戎機至於是邦隱若敵
國攬轡之後郡邑以清若然者艱難之時事鮮不及矣
十一月河水始堅山葉皆盡冒此寒險屆于漢陽且欣
郊迎然後疆事昨又繼燭盡使君之歡今之初筵合舍
人之宴入室而喜親狐白當杯而願假豸冠熒煌蠟花

可以醉止請贊露晞之賦用慰臨岐之恨爾

宴餞嚴判官使還上都序

馮翊嚴氏之子曰暮昭宣世葉嗣續未廣能讀古訓雅
為新詩有叔度黃中之稱有季野四時之備故清風襲
人人得披襟而前蓋所嚮者多矣去年冬鄭司勳奉服
嶺之役以掄材官人將子為介以體一而二事則於交
廣乎何有今年春將復命奏庸公以便道歸定省尋水
之下可歌白華龍駒生庭神仙作尉至是邦也而賀者

盈門味道探賸遂亦決辰以王事期迫不敢怠違是以
元方不得將車而旋嚴尊猶切倚門之望有以然也與
司勲有西掖之舊文行忠信君子人歟既與子同事又
與子同術不追飛雲霄既將置之州牧盧公叙別於初
筵郎中蕭公置酒于翌旦皆飛白縱飲高歌結歡屬天
降霖潦九派會同雲帆際天行亦勤矣余羈紲未解處
墊溺之地與子言別夫復何聊羣公推以舊老略其敗
北俾冠篇首得不謂之牽歟常山公于邵序

送尹判官之江陵序

文者人之華行者人之實不華無以見本匪實無以要
終是以知在格物物格則知至及夫至也何所不集焉
尹十五官其集之矣故忠信寶於家貞幹珍於國前年
度支卍平糴之法典斯南海今春轉運即均輸之便導
彼西江豈止度四方經費之用蓋在佐副相尹丞之秩
先是太夫人在堂指途於涪陽原隰煌煌潔爾壽觴由
此告輟孰不稱慶况高門傳綸詔之榮相宅主公台之

兆光啓前列我有憑焉孟夏告朔雲陰四合風雨如晦
江濤若崩南颺未迴好是行邁老夫沐普恩之宥

一作澤

承近地之遷鶉之首尾可以交歡言且貺別私其則那

一作別邪

送鄭判官之廣州序

今年夏日月會于鶉火公治分汴東之幕經度邦賦于
桂之南議絕乎爭蒸人得以相慶秋九月荐加五府之
命自嶺之外一以咨之而中丞包公舉賢任能捐萬里

勞思之煩委一都專達之計我州我庶雖違德實難予
取予求而受賜猶舊觀察使范陽盧公愴雲天之忽間
惜姻好之遐阻置酒高會邈歡累日誰言醉止必待露
晞然後維舟陽江宿設候館遊以舟楫一作以遊欲別不
能漲濤湧雲長空不分須外徼以內賦詠蒼梧之白雲
所以道與簡會壯遊心逸聚散之分抵疑作我勞如何况
公風監恢達博聞明辨從事貞固守常直道奉緇衣之
前慶乘扶搖之上激作人之表予所望焉昭昭令聞日

賀光大矣

送崔判官赴容州序

服嶺之外列巨防者五而容其一焉自中原多故邑居
蕩析始則有長吏苟完之命今年春有詔特命元公都
督十二州諸軍事資其庶富而宣乎教化者也夫教之
以循化之以仁俾其歸于王而不隔乎荒則書同文車
同軌當南北萬數千里而還職焉不其遼哉博陵崔公
光膺副車之選秋八月傳次于壽春安豐縣之東亭前

臨芍陂渺漫無

天一作天

際雖淮海之內浸藪則多而勝景

之中堪遊蓋少故邀留貺別非此而何邵孤奉明恩負
累炎徼邂逅相遇歡戚不同既而前多岐路行有先後
日暮猶遠自有窮途之泣木葉微脫更切長年之悲其
賦離之什則亞相崔公冠乎首矣群公其次第之

送房判官巡南海序

兩河稽誅為日舊矣固是迷悖腥聞于天法將汙瀆罪
爾無赦是用調發集于東郊瞻上將於五道興王師之

十萬千金之費實資經度中之

一作之中

別有鹽府既博之

用不勤於人豈與夫漢武事邊窮兵蜀主以小謀大而較其損益哉則天下怙亂不得不除宇內稱兵不可不戒愆是任者惟我國楨兼御史中丞包公專其事佐衛倉曹房公分其巡公英姿秀發相門流慶以公忠為已任以學行為身文蹈和以全真脩睦以合義長途逸翮則未可涯冬十月桂林務要臯

一無此字

番禺利往輕楫既

具高帆欲張煌煌元公作鎮南海在公為外舅在國為

屏臣潘楊佳姻冰玉相映式瞻之地其誰不懷挂管經
畧觀察使范陽盧公惜雲雨為別悵江山斲間置酒高
會徵詩寵行南天不寒四氣爭暑黃柑未摘盧橘又一作
未花請因衆芳以動佳興將我府公之厚意也

送盧判官之梧州鄭判官之昭州序

前人

中前一作朝有蕭牆之變王宮不開夫莠尚在我憂未弭

都人共駭遠服多虞大唐思汜可之安率土獲將來之

祐詔下哀痛恩覃動植天地更張乎範圍日月復次於

黃道人既受賜其官爰議其能非其能則我命用隳奪

其賜則彼眊何戴授之

此一作

二者至于勤斯桂管都防

禦經畧觀察使范陽盧公道千乘之國齊百蠻之化敬

事而信視人如傷頃者嶺外諸守除書中絕內無合契

之符外闕分憂之寄望吳隱而莫至希士燮以實難是

用舉所知延幕容盧與鄭二郡有尤凡官材定論物格

知至今之抑與誰曰不然必能發準的於殼中化陋夷

於度內上以奉知己下以拯黎元力行近仁於斯為美
何必秉鈞當軸方及於人哉桂林陽亭南越之勝雙旌
啓路舉棹茲始諸公惜別宿設戒期雲岫座中煙花雨
後愛時景之可共悵高帆之不留遷客于邵書其事

送楊兵曹太祝兄弟序

天寶中謬掌鉛槧領卿大夫門子出於龍樓以鼓篋為
事是時與楊氏兄弟相見于今十年矣曾不以薄劣移
意克全乎相知不出樓數年各以才進果行敏德依仁

據義焜煌而金玉交映肅穆而風塵不雜入其門森森
然是所謂難矣屬中原多故荆棘未剪竄身郊山復與
合疇昔之好實獲我心今年春清羗白氏相率為虐震
我郡邑毒痛生人而楊公侍親日有憂色擇地以養告
別遂行是以二王趙蕭四族偕往懿親密友義切同舟
並駕而逸足相追拔茅而彙征斯吉方將導黑水以合
漢適樂土而中權豈止奔波雲山悵望岐路而已蓋隨
之為義也大矣巴防楚塞援聲千里東出桐栢南拒荆

州三江五湖可以利涉心斷印否薄送于郊非斯人之
為別吾誰為賦矣

初冬餞崔司直赴京選集序

大官大邑惟賢者主之臨安大邑也而崔公兼領決年
之間輿人致誦雖化更有命居之無何然與人休息行
難為繼矣屬太夫人在堂閨門之敬舊家於漢上張仲

孝友行思板輿譚公維私式歌弄印崩波私沂

一作松
沂疑作

沿沂重阻疊里亦既至止稱歡壽觴前彭州司馬公之元

昆所遊有方嘉此良會皆才膺開物刃有餘地從士大夫遊必先曲禮二龍方騁未可量也國有衡鏡人歸品

藻十月良月駕言北遊當山公

一作令

持刈楚之鍔信多

士發長鳴之日也以彼前慶續茲高選雖欲勿用其若才何雖古人捧檄在此行也故同人惜離出餞于野遠山四合長空沈寥望青林而不盡看白日而將暮忝座右之末陪難孫之行不腆斯文俾專序別蓋讓之不可遂冠於篇首

送康兵曹入蜀序

與兵曹公敵惠於今三世矣然則子之大人某當肩隨

之日雖中年隔別而榮問不輟一作問不虞康子來陟疑

涉吾境見父之執果於覲親可謂達也况風骨爽秀機

會駿發約之以禮博我以文青雲之姿於是乎見矣以

日迫諸寇一作冠非家君在蜀乘間赴覲靡遑底寧曾未信

宿駕言于邁以此道別無如之何副相嚴公惣統江劍

東西郡邑蓋以百數皆風靡波偃奔走乎大府威名之

下誰不心注

一作注心

且鳥擇高梧人歸如水吾子之往矧

有舊乎郊垆之南予以送遠楊柳雖綠我意悲春喬梓
有方君心是慶白華之美者故歌而道之幕中有行軍
馬公判官張公書記崔公高副時選相期郢匠執子之
手幸謝故人

送韋兵曹赴上都序

韋公顯名三蜀出入東西川垂二十年矣至於是邦必
聞其政蓋禮者德之幹利者義之和由之不失其道也

噫夫克有具美而抑與之徒淹歲月未上霄漢俾其知
已者慙而已雖多亦奚補於時議哉有以知君子不見
而彰義然後取信吾寶也杜陵鄉曲千里而近楚王壇
上瞻望仍遙鴈隨陽而昨夜初過木落山而寒霜始白
今日何日江干送歸豈無樽酒可以畱饒國家開設會
府綜覈九流衡懸而不欺輕重論定而必先遠大之子
之往求善價而沽諸乎愛惟允將美利而利物夫然則
家之肥而國又肥也南山之南日復羈齒時因便風無

金玉爾音千里韋生跂予何及

送孟司戶赴山南序

今之天府急賢為事者多矣然則中丞張公賢而佐之
公惣統巴徼蓋郡邑百數皆夙興夜寐奔走乎梁州一
方無虞千里坐嘯何寇盜之敢暴不澄清而彌肅所以
賢與不肖有別而孟戶曹應辟焉非夫學究精微德含
光大貞幹克副于公望勤勞可著乎王家豈中丞之與
能而幕府之英選能致如此閏四月告輒指途出郊相

餞昨夜殘雨朝煙稍霽黃鳥上下綠陰若浮此時送君
微我無酒况東郊西郊鼓鞶猶作征軸之弊又急乎安
人勉旃孟侯無以自媚

送穆司法赴劔州序二首

決曹掾穆侯理行歸于劔十月寒矣艱哉是行休於嘉
陵之陽一作隅日與樵牧為伍而吾子言涉江水至於室

廬告輒之期不遠千里然則取諸羽翮擊彼風水時之
來也鳴可驚人而愛親之道敬養為切安得擇仕而以

三語為屈哉東江劔門又足助興地氣初閉河風稍嚴
青冥為空黃落向盡感物論別者庶存乎歌詩

二

人謂穆子通於理者也哀然作掾榮問所致

一作歸

自

一作

故

隴之下清風可挹人能盡驩卻真知勉矣頃以令弟

仕于劔太夫人就養適乎遠雖迫王事心馳倚閭朝辭
府庭夕次郊郭不俟高駕拂衣而南郡公錫類詎敢留
心各以壺酒垂揚好陰金秋始交火雲猶赫指日獻壽

在原增光送君遂行千萬無盡

初夏陸萬年廳送奉化陸長官之任序

前人

予籍奉化君之猷甚矣今也何幸辱與萬年君遊而獲
展禮焉公有入室之清行有顯門之奧學加之理要飾
以藝文三十年中猶宰一邑是何竒偶之所不倫乎先
是公由外署嘗攝行此職未拜真而復罷人至于今思
之豈彼人之幸猶多而資公之政為理不然奚十年之

外復與此合耶况今年吏曹尤難其選天子申明乎詔
令宰輔論定乎官材天官卿孜孜於取捨膺此舉也授
受者安易為力哉拜恩前殿隨牒上道萬年君軫陟岡
之歎愴異縣之違叙離公堂言具旨酒二三親好獻酢
有章既敬而兄又悅而弟上友下悌何其鞫歟鷄尾之
會火雲初飛前春花木是日仍茂感而惜分一作令於是
為切夫以卿士大夫之會未嘗不引詩人之興以宣其
志萬年君所以進牘抽翰邀文屬辭盖合斯義將用貺

別云耳

送金壇韋明府序

將理大國若烹小鮮不敢撓之故也况子男之為邑庸可撓乎方今兵薄四海師老十年罄人之耕桑窮人之術數勤以奉中國剪以賜諸軍軍興猶艱國議尚乏非夫表微物外洞鑒人間曷能除其災害拯彼塗炭於戲天官氏得之於韋金壇矣公文以藻身行以勵俗道必孚于損益名可達於家邦醇粹居中而英華發外且三

辟大府連衡者人皆奪容一登廷評獨行者我無愠色
樂天知命君子攸難偶爾墮銓序之勞超然在甲科之
列一作豈無清切之地竟迫親人之選飛鳧此去逸驥
何施然則其崩角所不容悼心而無告者我實行矣爾
何對焉鍾茅之間化可見矣厚地始坼寒山盡空同雲
不開積雪增沍楊溝追餞蔣亭愈邈心乎愛矣何日忘
之今之送君感別而已

送河南王少府還任序

王公秀出士林香傳國譽玉立增映金聲自遠故弱冠
之後代為文人不四三年而交辟如契豈惟鴻鵠勢在
千里自是鳳雛生而五色今大夫當弄印之貴積蒼生
之望立程朝端舉正天下少府公晨昏之際戀深獨立
爰自東洛達于上京且因王命得及私覲橋梓之慶實
為時榮然則赤縣多務不遑久留素琴在御疋馬云邁
清風霽景隨我佳興又足名也頃忝臺憲出于門闌遂
使小子知名敢忘國士之過心乎愛矣此別何言前郊

卷之百二十四
一葉涼風已半金吹浙瀝淒然欲寒兵部員外郎王公
以從父之仁敦北阮之好猥顧同舍謂余知音相期都
門方以送遠才子東矣得無斯文

送陳留李少府歸上都序

天寶年中以公持刈楚之柄言采其華將被其俗蓋良
馬逐逐在公之伯仲乎忝嘗齊衡永以為好迨茲二紀
相逢蜀遊不虞斯來復與前合况惣括六藝又擢一枝
青春之年黃綬標映瑩若玉立蹌若鶴跼長空無倪可


以直上人之望也今諫議大夫崔公冀國之貴介弟於
公為外舅焉以兄弟之子猶子也冰玉不間潘楊載睦
始君之來拜乎姻婭由君之美加乎愛矣東林表郝公
遠鑒南宮實夫子知賢光昭好速能以德選自中形外
論者休之實沉之會言旋上國蜀多名園載酒交饒雪
冰初下同雲始飛寒暄正中跋涉無苦予亦羈齒久而
越吟曷為歸期十月良月方將尋鮑子之舊復田蘇之
遊若君行此不勤一作印歎否尚書兵部郎趙公謀以貺

別尚書虞部李公作為新題羣公僉同各以位叙云

送家令祁丞序

祁丞公表微造理之士也嘗精其思而深於詩警言其神而存乎象深於詩者得之於風雅存乎象者受之於丹青非竒峰絕壑則不能運其機非緣情體物則不能動其興機興之作為達者多之去年八月閩越納貢而吾子實董斯役水陸萬里寒暄浹年三江五湖覓然復遊遠與為別故人何情虞部郎中岑公贈詩一篇情言兼

至當時之絕也凡叙所以廣意既先見我又何載言一作
馬送君都門舉手千萬



文苑英華卷七百二十四

欽定四庫全書

集部

文苑英華卷七百二十五至

詳校官監察御史臣范衷

助教臣常循覆勘

總校官進士臣朱鈺

校對官中書臣王瓚

謄錄監生臣史映綵

欽定四庫全書

文苑英華卷七百二十五

宋 李昉等 編

餞送八

送趙晏歸江東序一首

送賈九歸鳴水序一首

送從叔南遊序一首

送從舅赴陽翟序一首

送楊倓南遊序一首

送庫狄縱入蜀序一首

送盛卿序一首

送通上人之南海便赴上都序一首

送銳上人遊羅浮山序一首

送朱秀才歸上都序一首

送陳秀才序一首
送冷秀才東歸序一首

送竇秀才序一首
送蔡秀才序一首

送朱拾遺序一首

陪江西李大夫人東湖賦詩送宣武軍趙判官還使

序一首

送韋處士適東陽序一首

送張明謙適越序一首

送謝舍人赴朝廷序一首

奉送泉州席使君赴任序一首

送李補闕歸少室養疾序一首

送耿拾遺歸朝廷序一首

送朱拾遺赴朝廷序一首

送趙晏歸江東序

于邵

四官擢天府一枝之秀居十二年而先其文章用譽聲

馳

一作
恒

寰海內行循

疑作
脩

潔正為人言故王公卿士願

見顏色皆延以座右挹以上樽結平生之至驩聽傳習

之餘論翕然而風靡矣自隨牒吳楚諸府交辟有車駟

麟無一日而止故驟遷於維荆仍假治書亦既達矣今

上觀兵鳳翔之歲公以錫貢會于闕庭舉朝廷首以望

真拜屬多難之際蒼黃易誣斬馬未聞於去佞弘羊且

偏於用法是有流沙之譴不及旬日至于五原犬戎合

圍我在堅壁以功復為詞曹外掾雖雷雨作解而風塵

未厭流離辛苦又屆乎漢陽雲天路長骨肉為念將欲
出三峽浮二江漸達於吳昌接行鴈於舊地問伯魚之
他日蓋生死骨肉之會豈勝言哉大寒之歲衆木皆死
相彼松柏雖復小凋而貞心勁節不改柯易葉實君子
之大端也持此貺別不知其他

送賈九歸鳴水序

賈生深於義者也又能保和天資強學不倦甘禦寇之
執爨處原憲之非病行於一作林泉蓋數周矣實沉之

會賁然來思南郭之下言尋舊好顧州縣而不為道屈
齊得失而戒茲福利實君子之大端也知我者鮮謂予
知之朝夕之驩經時不去式歌且賦嘗至于夜分不知
天下之秋颯然而至詠采薇以獨往始班荆而送別南
指蜀路江山四蔽苟吾道之可存居鳴水而何陋是為
不侵不叛之地得以長處約矣乃知全謀決策可以遠
馭青溪白雲時復助興二三子豈知樂在其中乎出郊
之時論別而已

送從叔南遊序

叔父乃相國東海公猶子之慶裔今少師郢國公外王父之介弟也生於台庭長於儒門修先王之典禮操作者之文律斯亦叔父立身之道弘矣屬時艱難流離辛苦田園蕪沒族黨淪謝斯又叔父厚生之道窮矣三十年間為東西人豈無常科亦有世路道之不由吾其與也得非恢達自是處之無悶耶况郢公和義以仁如存展敬居常館給不度以年因得造寢席問起居不敢墜

睦親之禮久矣夫不羈之才若不繫之舟不然則何以
泛其流而析其滯歟既而將登商顏尋綺季翼儲之顯
晦進浮滄浪追漁父遁代之始終或經九疑或入五嶺
探靈感廣異聞崇朝命駕來告于邁不憚者結遐方之
離思所賀者從諸侯之勝遊敬奉觴以祖輶遂贈言於
慎夏云

送從舅赴陽翟序

昔者秦賦渭陽之詩蓋孟公子

三字一作君子

之出祖也綿歷

千祀頌聲不泯幼失慈愛於斯為苦未嘗不廢卷撫膺
書紳自勉以為罔極之報祭在如存之禮不其然歟自
幽燕稱亂伊洛內覆爰我舅黨舉族東遷祏室無祀名
園何在永懷展敬謁日無緣叔舅十年過江三命作吏
慶垂必復休有令聞使車斯來輒不自意陽翟駿選天
書寵光思同晝遊有日矣伯舅京劇先鳴曷由偕往小
子江華罷守未離繫滯指途惜別卜勝初筵當獻歲之
方春對上林之晴雪興酣景晏欲罷不能則叔舅之慈

惠鍾於我也良可知矣望鈞臺舊都返伊川故里出鄢
郢長道控河淮要衝于馬馳名于以在我况清白以世
業留遺貞幹以天資自許鴻鵠之舉雲霄可期慙無酷
似拜命之辱叙離道念庸不喻乎司勳貞外郎鄭一作程
昌締邵同等也實為首唱其或繼之者則以多為貴爾

送楊倓南遊序

弘農楊倓世以文藝登甲乙科而倓克構前烈復脩儒
行升高作賦正始言詩期于拾青今也被褐蓋未遇云

爾桂林之遊我何憂哉在幕則副使韋公存乎舊判官
韋公置乎客其外則韓萬州為知舊則倏不孤客則倏
有已知則倏可遊予亦子之舊也見其來則撫之憂則
樂之命諸子以同之其他則不如二三子之強大嘗所
媿焉忽有餘興言將南邁尋桂江之遠近度疑山之險
易適諸侯之管披三越之圖並蒼梧以右轉觀象地之
發跡亦何謝泛五湖探禹穴而暢其孤憤哉扁舟一葉
風濤千里於所適復何危乎吾當俟子於壽星之會而

復祇命所在念此無忽興元之元季夏之望河南于邵
詞

送庠狄縱入蜀序

夫以禮樂為用檢身若不及者嘗聞其語矣今見庠狄
子雅而有之况心氣爽練尤於妙理原憲非病黔婁自
安沾之哉吾待價也漢陽之米人食如玉有妻子以宜
家無饘粥以餬口余承艱否又不能救夏四月告余以
行舉家杖藜將赴于蜀蜀多奇士吾道其南風水之便

宜未量

嘗一作

也隴俗春晚梅花始發言送山路蕭然雨

寒四郊多虞舉手千萬

送盛卿序

老夫負累炎方僻處南館東阻高岸西臨通衢衡門寂
寥誰與為晤數日之後而得比隣盛卿者睽道以閑處
約以靜詩禮日訓柴荆晝闕嘗思急病之用載勤稽古
之力每接以三餘時復一見來不飲酒去無可欲儒之
敬慎有如此者春三月叩門告別且曰本剡中人也家

於錢塘一入桂林

一作嶺

十周星矣漸走長安之道將尋

吳會之事乘其波流聊以自適僕老者病者以憂以悒

留之則難別又不易子之不飲不可以斗酒歡

一作勸我

以窮途無得以束脩贈執手分手傷如之何雲雨一散

江山萬里東西南北其有會乎遷客于邵贈言而已

送通上人之南海便赴上都序

通公釋門之秀者也生本達節出脩梵行表之以威儀
文之外教始具戒于衡山之下瀟湘之間嘗以律人

法雖可住而相不可住是以杖飛錫入五嶺將遠

一作
退

舉於羅浮尋跡於現靈為矯其因而集乎緣遊其方而
廣乎志洪惟通公之為心也其至矣夫猶復歷天柱訪
爐峯背淮淝即嵩穎翱翔乎中國以及乎上京上京聖
君布政之所也公觀夫宮闕則曷若西方之諸天公接
彼龍象則曷若西方之衆聖加以探密藏傳意味發揮
象法啓迪來學在此行也扁舟而南溟漲茫茫要荒積
阻動千萬里歲月不之計岐路不之悲曠哉釋子不可

得而攀也

送銳上人遊羅浮山序

釋子

一作氏

之有出家猶儒門之務行道既得其道則思

其通過去諸佛以故能聖則出證於無生歸於等觀安
可倪乎有乘精於斯勤於斯乃至旋頂無苦剜身為樂
赴湯蹈火而不含晝夜者是夫銳公天縱明惠學究多
聞誦詩三百而言思無邪閱部十二而心義自了寄文
章為語默任施捨為行藏內脩為法律外習為秘苑予

則不敏人皆仰之前年皆

一作背

自瀟湘登桂嶺大人君

子延方丈之室與論實相下士齊人奉次第之食為說

皆空習靜而外郭求安得朋而西山有寺青蓮宮裏日

月宵中雖法侶常遊而吾儕不間嘗憶浮山是蓬萊一

島浮來與羅峰合秀班房瑤臺

一作室

七十有二松閣玉

一作石

樓千百其數麻姑舞鳳之地葛仙蟬蛻之所將欲

導殊勝廣異聞銳公此行天下莫二矣十月良月晴天

愛景密葉彌茂繁花不寒摩山壁立而合沓百巒長江

海連而澎湃萬里搜竒索異可駐行舟懷哉勝遊不愧
相送迨春之冰泮期我於荆峴之間乎

送朱秀才歸上都序

嘗喜南中之遇墨客者甚矣今又得會稽朱因卿焉序
而字之蓋美之爾况其學也博其文也精凡作為篇章
皆可興詠處之於代則詩人之選也邵故東西南北願
與脩好從可知矣始至之日贄見于我府公府公答之
以客禮亦既館給終然宴私高枕延國士之風開門多

長者之轍義非苟合道不虛行叩清徵而况我知音執

禮容而許我先達歡與老夫接辱與肩

英華作
洵非

子遊風

雨如晦孰云其已而

一作
西

北走長安萬里帝王居治所

也賢關啓鑰哲匠見焉鵬搏鳳翥造次於是彼美因卿
在斯一舉餘勇可賈矧爾殼中瀟湘悠悠鄢郢阻修商
峴衡疑白雲間之登山臨水楚人之重別也人涉印否
衛詩之歎異也雖欲勿歎得無歎乎

送陳秀才序

秀才以我府公有元昆同官之舊邂逅不見于今三年
故不遠數千里泝瀟湘踰零桂而循來上謁府公府公
嘉是來也館有加籩之餼讌有承筐之禮上下交好州
人悅之既而盈卷新文惠予佳句艤舟將往咨我緒言
夫閉門循來者遷客之心也窮巷迂轍者達士之情也
以達士之情也眷率遷客不腆之作雖處憂危得無承
詩一作乎多謝之仁行矣自愛

送冷秀才東歸序

昔忝鄉賦多與太學英達為之遊二十年間學者逃難石渠遂閉鼓篋無聞近三四年復與士合每歲以故事選實而流頌聲則江寧冷侯由此擢秀今之與比前或少雙是以中朝宗文當代秉義者蓋嚮風矣不復相鄙愚無間然得為田蘇之遊不負金石之契亦既多矣吳會之地慈親倚門冷侯言歸心切攸往白鴈初過清冥轉高駕言東遊雲雨惜別邵亦是日理裝也始同末異愴此岐路冷侯深於詩也祕監韋公叙焉其為歌詩以

出餞皆漢廷顯達士林精妙各附爵里為一時之榮邵
何言哉貺別而已

送竇秀才序

曩歲忝西掖舍人與秀才世同官遊朝赴玉墀夕下金
闕于今二十年矣今復左遷僻地羈旅信安不期東遊
邂逅相遇而能倍一作信年下禮論舊加敬竇高標雅裁
為邦家之光故懷袖雄文予得興詠長途逸足予將企
望而殿中侍御史范陽盧公聿來監州持我文柄解簡

書之畏嘗翰林主人來者飲德挹之不竭嘯歌攸同迨
茲中久將盡厚意不虞作別况予之與名輩者乎如何
選一作撰舟告我行邁羅郭之下穀川可厲枯桑槭而不
知有風暮天暝而且欲飛雪此時以長年其悲懷哉曷
日相會哉

送蔡秀才序

蔡氏之子曰虛舟以十月良月旅次於信安謂余老於
文者展後進之禮清晨來思贈余舊文凡數十篇與之

討論導以無倦蔡子乃盱衡而納焉夫如是則何患乎
名不揚道不行春官卿復將示諸掌乎佻兮達兮亦以
永日言飲之酒時無間焉客非滯者遊有常者言告言
歸明日遂行雖江南地暖於景度短急張帆便風猶可
及遠蔡子其將邁乎常山公子邵叙別

送朱拾遺序

顧况

楚天暮秋衰草多霜我送朱兄置酒寒塘他方有遺名
之人語出世之事昔我一作者成大師居毗耶離方丈之室

以虛空量納諸群有為法而來難於酬對兄辯才者精
於語默雪山有草可生醍醐上賢不自豐故貧也上智
不任數故樂也言出以機在心為答故慎也和平發中
金玉鏗鏘如秋水之溢塘殊不知長松倚空遠鶴孤唳
如一有朱字兄也將刀畫水水中不斷以道親人人何有別
何山不可以為家何水不可以泛舟我送朱兄浮于亂
流主明不在諫故一有諫字臣在瀾漫之遊

陪江西李大夫東湖賦詩送宣武軍趙判官還

使序

相國大司徒統戎于汴汴之介者有長鬣廣顙乘遽四方交驩諸侯以利君實我大夫待以加等問其所欲蓋相國於其君義踈而後有誠誠存而後有別此敬相國而及子其告復乃賦平字之什以寵之春秋之義凡君子之嘉一善接一士皆欲有所用必相其宜而比之昔代之阿郵燕侵河上晏相之薦穰苴文能附衆武能威敵果却燕晉之師

送韋處士適東陽序

珠玉在淵蘭在深林士不定方而處東陽佳地樓上隱
侯之八詠溪中康樂之贈答韋生翱翔若復故都會子
放逐相逢姑蔑之山所裁新詩婉而有意凡遊山水苦
無卷軸復無幽人携手一何異飛鳥一翼行車隻輪眼
界孤矣於疑作故言自譴以貺處士乎哉

送張鳴謙適越序

晉司空十四代梁尚書左僕射續武代孫曰鳴謙問行

於我我對曰迺祖蹈道隱黃鵠山乃先敦德隱朝陽山
今子洽聞繼脩先好是一門而三隱矣臺仲之處也雲
翔冥廓亦復何礙又將嫁于四方余常適越東至荊南
登天姥天姥而西即東陽太末姑蔑之地盤桓乎弋陽
其山霞錦其水紺碧其鳥好音其草芳葩奪人眼睛猶
未麗也仙人城在其上可以汰神可以建文可以棲予
獨不見錯誅而回樂乎感隙駟之末光事塗龜之脩齡
觀萬化之始終道訓曰處其厚不處其薄丈夫之事予

亦從此逝矣適人之適孰與自適其適乎

送謝舍人赴朝廷序

梁

肅

見集本

初公以文似相如得盛名於天下大歷再居獻納俄典書命時人謂公視三事大夫猶寸步耳爾來六七年同登掖垣者已迭操國柄而公方自廬陵守入副九卿噐大舉遲不其然歟前史稱漢文帝對賈生語至夜半且有不早見之歎矧公才為國華識與道并當欽明文思之日繼宣室前席之事必將敷陳至論超履右職使賢

能者勸彼棘寺竹刑豈君子淹心之地乎亦既撰吉晉陵主人於夫子有中朝班列之舊是日惜歡會不足乃用觴豆宴酬以將其厚意意又不足則陳詩贈之屬而和者凡十有一人小子適受東觀之命從公後塵行有日矣存乎辭者祇以道詩人之意而已至於瞻望不及之思不敢自序云

奉送泉州席

集作石

使君赴任序

使君至德初以一命領太原尉俄歷御史叅丞相軍事

所從之主則李侍中王黃門其人當時議者謂翰首上
騰非決起所及展轉祿仕三十餘年乃以宰邑功次除
晉安守其恬於名利如是體命者歟後時然乎傳稱士
任重而道遠惟先尚書文公茂德盛名光乎集作于前朝
吾子淑慎其身荷伯父覆露銀章阜蓋秩二千石方將
布王澤以牧閩人得不謂重且遠乎行當變餘善之俗
使至齊魯然後祇承優命超處蕃閩集作近藩迺其盛也七
月之吉火雲在天征車徂東瞻望不及所當慎者殘暑

而已豈以遠道為戒哉操札

一作摻袂

如之何序以道意

送李補闕歸少室養疾序

昔司馬相如當漢六葉為言語侍從之臣今天子用人
文化成亦以君有相如之才擢居諫職且掌宸翰賦頌
書奏粲然同風夫君子之道與命與時三者并則不期

集作

達而達不然則或鼓或罷或塞或通是以長卿屢

去其官而君亦以疾退息各其時也君曩時祭夏圭

集作

主頌比于馭龍射虎其詞最盛如夏雲秋濤變化騰湧

蔚乎當代學者誦之及夫朝夕論思上尤所器異故乞
身之表七上而後賜告有以見聖王之愛才也夫賢者
境不靜則神不怡身不安則疾不去故夫子暫游江湖
樂其靜也復還少室就其安也易傳稱養正則吉矧夫
氣甚和志甚邁興愈贍而才未集作不竭是行也方憇于
雲林之中陶然自養以餌浩氣然後階集作陞浮雲翼疾
風登紫垣步清漢當此時無妄之疾抑自去不暇安肯
住於蘧廬集作肌膚間哉始君未為近臣時論有積薪之歎

及其造退朝廷厚優賢之禮今也于歸君子賦考槃之詩此數者足以觀子之義不可以不序焉爾

送耿拾遺歸朝廷序

國家方偃武事行文道命有司修圖籍

三字集作條祕圖籍

且慮

有闕文遺編逸詩墜禮分命史臣永之天下若汲冢墓陵山穴之徒必從而搜焉拾遺耿君於是乎擁輕軒奉明詔有江湖之役亦勉已事將復命闕下七月乙未改轅而西將朝夕論思左右帝宸用廣夫天祿石渠之籍

託風求

集作於

吟咏情性之作當堯舜之聰明魏丙之謨

猷以拾遺之才之美其翰飛遠邇不可度已衆君子蓋將賀不暇彼吳秦離別於我何有作者之志小子承命而序之

送朱拾遺赴朝廷序

上將以道莅天下先命大臣舉有道以備司諫故朱君長通有拾遺之拜時議以為明天子在上百僚奉職於下化既成矣而猶廣獻納以通諷諭聖人之心其至矣

初長通以比興之文名震翰林又以玄遠之致升聞天朝其靜也眇滄海以遂志其動也披白雲以受詔吳中賢士大夫相賀不暇長通方移疾餌藥不出東山者三年或曰以君之才之識宜行而止宜語而默且君命名其可以久乎由是不俟駕亦不敢言病獻歲之吉涉江而西夫宴息以弘道由道以致遠位在乎忠道在乎辭蓋拾遺之志如此彼離別之難秦吳之遠前期之不易皆付之樽中可也又曷足置於心胷間羣賢於是乎酒

酣歌詩以代雜珮之贈

文苑英華卷七百二十五